

07-12-2018



[Handwritten signature]

REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE FERIZAJ

Numri i lëndës: 2018:009761

Datë: 30.10.2018

Numri i dokumentit: 00157522

P.nr.3160/17

NË EMËR TË POPULLIT

GJYKATA THEMELORE NË FERIZAJ- Departamenti i Përgjithshëm-
Divizioni Penal, si gjykatë e shkallës së parë penale, gjyqtarit Elmaz Zenuni me zyrtarin ligjor
Gazmend Bytyqi, në çështjen penale kundër të pandehurit [REDACTED] nga fshati [REDACTED]
Komuna e Ferizajt të cilin sipas autorizimit e përfaqëson Av. [REDACTED] për shkak të
veprës penale lëndim i lehtë trupor nga neni 188 par.1 nënpar.1.4 të KPRK-së, sipas aktakuzës
së Prokurorisë Themelore në Ferizaj PP/II.nr.551-3/17 të dt.14.12.2017, pas mbajtjes së
shqyrtimit fillestar gjyqësor të mbajtur më datën 30.10.2018, në praninë e prokurorit të shtetit
Valdet Avdiu, të pandehurit, të njejtën ditë morri dhe publikishtë shpalli këtë:

AKT GJYKIM

I pandehuri, [REDACTED] nga fshati [REDACTED] Komuna e Ferizajt, i lindur me
dt. [REDACTED] në të njëjtin vend, nga i ati [REDACTED] dhe e ëma [REDACTED] e vajzërisë [REDACTED] ka të
kryer shkollën fillore, bujk i martuar baba I 2(dy) fëmijëve, i gjendjes së dobët ekonomike,
shqiptar, shtetas i Republikës së Kosovës, mbrohet në liri.

ËSHTË FAJTOR

Sepse me dt. 01.04.2017 rreth orës 20:00 në Ferizaj Rruga "Kemajl Hetemi", për shkak se i dëmtuari [REDAKTUAR], kishte pasur një lidhje dashurie me vajzën e [REDAKTUAR], dhe për arsye se i njejtë ka dashur që të ndahet nga ajo, i pandehuri për shkak të vëllaut [REDAKTUAR] të mllëfësuar me dashje i shkaton lëndime trupore, e ka sulmuar të dëmtuarin dhe i pandehuri ia kafshon veshin e djathtë, me ç'rast i dëmtuari pëson plagë kafshuese në regjionin e laprës së veshit të djathtë, të cilat lëndime bëjnë pjesë në lëndime të lehta trupore me pasoja të përkohëshme për shëndetin,-

-me këtë ka kryer veprën penale lëndim i lehtë trupor nga neni 188 par.1 nënpar.1.4 të KPRK-së.

Andaj, Gjykata, në kuptim të nenit 188 par.1 nënpar.1.4 të KPRK-së, dhe neneve 4,7, 8 par.1, 9,10 par.1,17 par.1, 21 par.1 dhe 2, 41, 42 par.1 nënpar.1.1, 43 par.1 nënpar.1.2 dhe 1.3, 45, 46, 47, 73, 74, të KPRK-së, si dhe nenit 365, 366, 450 dhe 463 të KPRK-së, të pandehurin e :

GJYKON

Me dënim me gjobë në lartësi prej 200 Euro /me shkronja: dyqin euro/, i cili do të ekzekutohet në afat prej 15 dite pasi që aktgjykimi të merr formën e prerë.

Nëse denimin me gjobë nuk e paguan i pandehuri sipas këtij aktgjykimi, në bazë të nenit 46 par.3 të KPRK-së, gjykata dënimin me gjobë ia zëvendëson me dënim burgu dhe ate duke llogaritur që për 20 € do të vujaj një ditë burgu, dhe ate në afat prej 30 ditësh pasi që aktgjykimi të merr formën e prerë në kërcënim të përmbarimit me detyrim.

Gjithashtu, gjykata obligoj të pandehurin që në emër të shpenzimeve të procedurës penale të paguaj shumën prej 20.00 €, dhe paushallin gjyqësor në lartësi prej 20.00 €, dhe ate në afat prej 30 ditësh pasi që aktgjykimi të merr formën e prerë në kërcënim të përmbarimit me detyrim.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarrimit të dhunshëm.

I dëmtuari [REDAKTUAR] nga Fshati [REDAKTUAR] Komuna e Ferizajt për realizimin e kërkesës pasuror juridike udhëzohet në kontest civil.

Arsyetim

Prokuroria Themelore në Ferizaj me aktakuzën e vetë PP/II.nr.551-3/17 të dates 14.12.2017 ka akuzuar [REDAKTUAR] nga fshati [REDAKTUAR] Komuna e Ferizajt , për shkak të veprës penale lëndim i lehtë trupor nga neni 188 par.1 nënpar.1.4 të KPRK-së.

Gjykata duke vepruar në këtë çështje penale konform nenit 245 par.1 të KPPRK-së me dt. 30.10.2018 ka caktuar dhe mbajtur shqyrtimin fillestar gjyqësor në të cilin ka marrur pjesë prokurori i shtetit Valdet Avdiu , i cili ka lexuar aktin akuzues, duke mbetur në tërësi pran aktit akuzues, si dhe duke i propozuar gjykatës që i pandehuri të shpallet fajtor dhe të dënohet sipas ligjit.

Në shqyrtimin fillestar nuk ka marrur pjesë edhe i dëmtuari [REDAKTUAR] edhe pse e ka pranuar ftesën, por ftesës së gjykatës nuk i është përgjigjur, edhe pse konform nenit 245 par.7 të KPPRK-së, prezenca e të dëmtuarit në shqyrtimin fillestar nuk është e nevojshme.

Gjyqtari pasi që u bind se i pandehuri e ka kuptuar akuzën, konform nenit 246 të KPPRK-së pasi që i janë dhënë udhëzimet nga ana e gjyqtarit gjatë shqyrtimit fillestar përkitazi me pranimin e fajsisë, të pandehurit i ofroj mundësinë të pranoj fajësinë ose të deklarohet i pafajshëm. I akuzuari e ka pranuar fajësinë sipas aktakuzës për veprën penale që e ngarkon prokurori i shtetit.

I akuzuari [REDAKTUAR] nga fshati [REDAKTUAR] Komuna e Ferizajt, në shqyrtimin fillestar gjyqësor ka deklaruar se e pranon fajësinë për veprën penale e cila i vihet në barrë, duke

shprehur kështu pendimin e thellë për këtë veprë dhe duke i premtuar gjykatës se në të ardhmen nuk do të kryej asnjëherë veprë penale me të dëmtuarin janë në proces të pajtimit.

Konform nenit 246 të KPPRK-së të pandehurit pasi që i janë dhënë udhëzimet nga ana e gjyqtarit gjatë shqyrtimit fillestar përkitazi me pranimin e fajsisë, i akuzuari e ka pranuar fajësinë sipas aktakuzës për veprën penale që e ngarkon prokurori i shtetit.

Në vlerësimin e pranimit të fajsisë së të pandehurit gjyqtari gjykues konform nenit 248 par.2 të KPPRK-së ka kërkuar edhe mendimin e prokurorit të shtetit përkitazi me pranimin e fajsisë nga ana e të akuzuarit, ashtu që prokurori i shtetit është pajtuar me pranimin e fajsisë nga ana e të akuzuarit të cilët kanë deklaruar se mundë të shkohet me shqiptimin e dënimit.

Gjyqtari gjykues ka vlerësuar se kërkesat nga neni 248 paragrafi 1 i KPPRK-së, janë përmbushur, pasi që:

- I pandehuri ka kuptuar natyrën dhe pasojat e pranimit të fajsisë,
- Pranimi është bërë vullnetarisht edhe pas këshillimeve me mbrojtësen e vet Av. [REDAKTUAR] e cila është pajtuar me pranimin e fajsisë,
- Pranimi mbështetet në prova dhe fakte të çështjes penale që përmban aktakuza dhe materialet e prezentuara nga ana e prokurorit të shtetit me aktakuzë dhe ate: deklarata e të dëmturit dhënë në procedurën hetimore Ekspertiza mjeko-ligjor e Ekspertit Dr. [REDAKTUAR] e dt.18.10.2017, si dhe shkresav tjera të cilat gjinden në shkresat e lëndës,
- akuza nuk përmban asnjë shkelje ligjore ose gabime faktike, njashtu i akuzuari është udhëzuar nga ana e Gjyqtarit gjykues edhe konform nenit 383 par.2 të KPPRK-së, përkitazi me të drejtën e ankesës vetëm për sanksionin penal, por jo edhe për shkak të gjendjes faktike, si dhe
- Konform nenit 257 të KPPRK-së, aktakuza nuk ka prova të pa pranuesheme.

I akuzuari [REDAKTUAR], në shqyrtimin fillestar në fjalën e tij në kuptim të mbrojtjes ka deklaruar, pasi e ka pranuar fajësinë lidhur me veprën penale që e ngarkon prokuroria është penduar thellë për atë që e ka kryer por nuk ka mundur ti kontrolloj veprimet, me të dëmtuarin

██████████ janë në procesin e pajtimit, kërkon falje për këtë vepër dhe i ka propozuar gjykatës që me rastin e matjes së denimit si rrethana lehtësuese ti ketë theksësimet e sipër theksësuara.

Mbrojtësja e të akuzuarit Av. ██████████ pos që është pajtuar me pranimin e fajsisë nga ana e të akuzuarit, i ka propozuar gjykatës që mbi këtë bazë të shqiptoj denim sa më të butë për të mbrojturin e saj, nga se i akuzuari ka qenë korrekt në pranimin e fajsisë ka shprehur pendim të thellë dhe asnjëherë nuk ka rënë në konflikt me ligjin. I ka propozuar gjykatës që të shqiptoj një denim më të butë nga se i mbrojturi i saj ka premtuar gjykatës se në të ardhmen nuk do të kryej vepër penale.

Vlerësuar nga aspekti juridik gjykata gjeti se në veprimet e të pandehurit kanë egzistuar të gjitha tiparet objektive dhe subjektive të cilat e përbëjnë figuren e veprës penale lëndim i lehtë trupor nga neni 188 par.1 nënpar.1.4 të KPRK-së.

(Nëse i pandehuri në shqyrtimin fillestar pranon fajësinë dhe Kryetari i trupit gjykues vlerëson se pranimi i fajit është bërë në pajtim me ligjin mund të vazhdoj procesin me shqiptimin e dënimit duke mos administruar fare prov. pa plotësuar trupin gjykues dhe pa e mbajtur fare shqyrtimin gjyqësor, si dhe pa paraqitur fare fjalë përfundimtare, lidhur me këtë shih Mendimin Juridik të Gjykatës Supreme të Republikës së Kosovës të evidentuar si GJA.nr.207/13 të dt.19.03.2013).

Me rastin e matjes së llojit dhe lartësisë së dënimit gjykata pati parasyshë të gjitha rrethanat në kuptim të nenit 73 të KPRK-së të cilat ndikojnë në llojin dhe lartësinë e dënimit, si rrethana lehtësuese mori se i pandehuri ka pranuar fajsinë në shqyrtimin fillestar gjyqësor, nuk ka të dhëna se me herët të ketë qenë i dënuar me aktgjykim të formës së prerë për vepra penale, pendesën për veprën e kryer, ka kërkuar falje për veprimet e ndërmmarrura kundër ██████████, i martuar baba i dy fëmijëve, i pa punë-bujk, duke qenë i bindur se në rastin konkret qëllimi i dënimit mund të arrihet, dhe një dënimi i tillë është në proporcion me peshën e veprës penale, shkallën e përgjegjësisë penale të pandehurit dhe rrethanave të kryerjes sipas nenit 41 të KPRK-së.

Numri i lëndës: 2018:009761
Datë: 30.10.2018
Numri i dokumentit: 00157522

Mbi bazën e këtyre rrethanave gjykata vlerësoi shkallën e përgjegjësisë penale të pandehurit, dhe rrezikshmerinë konkrete të veprës penale në kuptim të gjitha këtyre rrethanave duke i caktuar denim të butë dhe atë në kuptim të nenit 46 par.1 të KPRK-së, i shqiptoi denim me gjobë.

Bazuar në nenet 458,459 dhe 460 KPRK-së, i dëmtuari [REDAKTUAR] nga Fshati [REDAKTUAR] Komuna e Ferizajt, për realizimin e kërkesës pasuror juridike udhëzohet në kontest civil

Mbështetur në nenin 450 dhe 451 të KPRK-së obligohet i pandehuri që në emër të shpenzimeve të procedurës penale dhe paushallin gjyqësor në lartësi prej 20 €, si dhe shpenzimet e procedurës penale-Ekspertizën në lartësi prej 20 eurove i cili është caktuar duke pasur parasyshë gjendjen ekonomike të të akuzuarit, dhe çështje penale të zhvilluar.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarimit të dhunshëm.

Nga sa u theksua ma lart gjykata vendosi si në dispozitiv të këtij aktgjykimi.

GJYKATA THEMELORE NË FERIZAJ,

P.nr.3160/2017 të dt.30.10.2018

Zyrtari ligjor,
Gazmend Bytyqi

Gjyqtari,
Elmaz Zenuni



KËSHILLA JURIDIKE

Kundër këtij aktgjykimi është e lejuar ankesa,
në afat prej 15 ditëve nga dita e pranimi

Gjykatës së Apelit në Prishtinë nëpër mes të kësaj gjykate.

I dëmtuari mund të ushtroj ankesë vetëm sa i përket

Vendimit për sanksionin penal.

Një kopje e aktgjykimit i dërgohet të dëmtuarit [REDAKTUAR] nga fshati [REDAKTUAR] Komuna e Ferizajt .